

ხელშეკრულება № 31
სახელმწიფო შესყიდვის შესახებ

ქ. თბილისი

12 / 02 / 2017წ.

საქართველოს კულტურისა და ძეგლთა დაცვის სამინისტრო, შემდგომში წოდებული „შემსყიდველად“, წარმოდგენილი მინისტრის მოადგილის გიორგი ბაქრაძის სახით და შპს „იზი პრინტი“, შემდგომში წოდებული „მიმწოდებელად“, წარმოდგენილი მისი დირექტორის მიხეილ მჭედლიშვილის სახით, მოქმენი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, შემსყიდველის მიერ ჩატარებული გამარტივებული ელექტრონული ტენდერის (სატენდერო განცხადება № **SPA170001601**) ვდებთ წინამდებარე ხელშეკრულებას:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
 2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
 3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
 4. „მხარე“ ნიშნავს შემსყიდველს და მიმწოდებელს.
 5. „მხარეები“ ნიშნავს შემსყიდველს და მიმწოდებელს ერთად.
- ყოველივე ზემოაღნიშნულის დასტურად მხარეებმა გავაფორმეთ წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მუხლი 1. გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – ნიშნავს შემსყიდველას და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.
- 1.3 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.
- 1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

1.5 „ტექნიკური დოკუმენტაცია“ - გამარტივებული ელექტრონული ტენდერის ტექნიკური დავალება, რომელიც თან ერთვის წინამდებარე ხელშეკრულებას დანართი 1-ის სახით, როგორც მისი განუყოფელი ნაწილი.

მუხლი 2. ხელშეკრულების საგანი

2.1 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში (CPV-30100000) კარტრიჯების შესყიდვა, წინამდებარე ხელშეკრულებაზე თანდართული დანართი №1-ის შესაბამისად.

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

მუხლი 3. საქონლის მიწოდების ვადები

3.1 საქონლის მოწოდება და დასაწყობება უნდა განხორციელდეს: დანართი №1-ის №1,2,3,4,5 პოზიციებით გათვალისწინებული კარტრიჯების მოწოდება უნდა მოხდეს ხელშეკრულების გაფორმებიდან 20 სამუშაო დღის ვადაში, ხოლო დანართი №1-ის №6 პოზიციით გათვალისწინებული ტონერის დატენვით მომსახურება ეტაპობრივად შემსყიდველის მოთხოვნიდან არაუგვიანეს 24 საათის განმავლობაში 2017 წლის 31 დეკემბრის ჩათვლით, შემდეგ მისამართზე ქ. თბილისი სანაპიროს ქ. №4.

მუხლი 4. ხელშეკრულების ღირებულება

4.1 ხელშეკრულების ღირებულება შეადგენს 6637 (ექვსი ათას ექვსასოცდაჩვიდმეტი) ლარს საქართველოს კანონმდებლობით დადგენილი ყველა შესაბამისი გადასახადის გათვალისწინებით (მათ შორის დ.დ.გ).

მუხლი 5. ანგარიშსწორების ფორმა, გრაფიკი და ვადები

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ფაქტიურად მიწოდებული საქონლისათვის, წარმოდგენილი ანგარიშ-ფაქტურის, სასაქონლო ზედნაღებისა და მიღება-ჩაბარების აქტის საფუძველზე 10 სამუშაო დღის ვადაში.

5.2 ანგარიშსწორების ვალუტა – ლარი

5.3 ანგარიშსწორების ფორმა – უნაღდო.

5.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა და ხელშეკრულების შეწყვეტა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3 მიმწოდებლის მიერ მისი ვალდებულებების შეუსრულებლობის ან არასათანადო შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,02% ოდენობით ყოველ გადაგადაცილებულ დღეზე.

6.4 იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ შესაბამისი პირგასამტეხლო ხელშეკრულების ღირებულების 10%-ის ოდენობით.

6.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.6 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

6.7 თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, კანონმდებლობით დადგენილი წესით.

6.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 7. ხარისხი

7.1 მიმწოდებლის მიერ მოწოდებული საქონელი შემსყიდველისთვის მიწოდებამდე არ უნდა იყოს ექსპლუატაციაში შესული, არ უნდა გააჩნდეს დეფექტები და ნაკლოვანებები. წინააღმდეგ შემთხვევაში მიმწოდებელი საკუთარი ხარჯებით აწარმოებს ხარვეზის გამოსწორებას.

მუხლი 8. საქონლის ხელშეკრულების პირობებთან შესაბამისობის დადგენის და მიღება-ჩაბარების წესი

8.1 საქონლის მიღება დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით.

8.2 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნებული) მიწოდებულ საქონელზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.3 საქონლის ხელშეკრულების პირობებთან შესაბამისობის დადგენას და მიღება-ჩაბარებას უზრუნველყოფს საქართველოს კულტურისა და ძეგლთა დაცვის სამინისტროს ადმინისტრაციული დეპარტამენტის ტექნიკური უზრუნველყოფის სამმართველოს შტატგარეშე მოსამსახურე მიხეილ ცანავა.

მუხლი 9. მხარეთა უფლება-ვალდებულებები

9.1 მიმწოდებელი ვალდებულია:

ა) მიაწოდოს შემსყიდველს ხელშეკრულებით გათვალისწინებული საქონელი, წინამდებარე ხელშეკრულების პირობების შესაბამისად.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე.

9.2 შემსყიდველი ვალდებულია:

ა) დროულად აცნობოს მიმწოდებელს მიწოდებულ საქონელთან დაკავშირებული ხარვეზების შესახებ;

ბ) აანაზღაუროს მოწოდებული საქონლის ღირებულება.

მუხლი 10. ფორს-მაჟორი

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების გაფორმებიდან და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2018 წლის 31 იანვრის ჩათვლით.

მუხლი 12. სხვა პირობები

12.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

12.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

12.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

12.4 ხელშეკრულება შედგენილია ქართულ ენაზე სამ ეგზემპლარად და თითოეულს გააჩნია თანაბარი იურიდიული ძალა.

მხარეთა რეკვიზიტები:

შემსყიდველი:

საქართველოს კულტურისა და ძეგლთა დაცვის სამინისტრო

საიდ.კოდი: 203851126

მის: თბილისი, სანაპიროს ქ. №4

სახელმწიფო ხაზინა

კოდი: 220101222

მინისტრის მოადგილე

გიორგი ბაქრაძე



შპს „იზი პრინტი“

ს/კ: 401994400

ს/ს თბილისი ბანკი

ბანკის კოდი: TBCBGE22

ა/ა GE86 TB72 4583 6020 1000 01

ტელ: 555 11 16 60; 2 30 67 36

მისამართი: ქ.თბილისი, ცაბაძის 15

დირექტორი

მიხეილ მჭედლიშვილი



№	დასახელება / მახასიათებლები	მწარმოებელი ქვეყანა/ კომპანია	მარკა/მოდელი	განზომილება	რაოდენობა	ერთ. ფასი	ფასი
1	Canon mf 3010 - სერვის თავსებადი კარტრიჯი	ჩინეთი/topjet technology	725	ცალი	50	18	900
2	Canon mf 4010 - სერვის თავსებადი კარტრიჯი	ჩინეთი/topjet technology	FX10	ცალი	80	18	1440
3	Canon mf 4410 - სერვის თავსებადი კარტრიჯი	ჩინეთი/topjet technology	728	ცალი	50	18	900
4	Samsung SCX-3405 - სერვის თავსებადი კარტრიჯი	ჩინეთი/topjet technology	D101	ცალი	30	50	1500
5	Lexmark C950 - სერვის თავსებადი კარტრიჯი	ჩინეთი/topjet technology	C950	კომპლექტი	1	897	897
6	Pantum M6550NW სერვისის საოფისე კომპანის კარტრიჯის ტონერი (ფხვნილი) (დატუმბვის მომსახურებით)	ჩინეთი/topjet technology	PANTUM	ცალი	100	10	1000

სულ (ლარი) 6637

საქართველოს კულტურისა და ძეგლთა დაცვის მინისტრის მოადგილე



ვიორგი ბაქრაძე

შპს "იზი პრინტი"-ს დირექტორი

მიხეილ მგელიშვილი

